

中國地方志集成

安徽府縣志輯 ⑪


民國懷寧縣志

民國懷寧縣志補




江蘇古籍出版社 ● 上海書店 ● 巴蜀書社

ISBN 7-80519-968-X



9 787805 199689 >



序

懷寧爲縣始於晉義熙中屬晉熙郡梁陳豫州尋陽郡
齊屬江州陳復屬晉州隋初屬熙州大業初屬同安郡
四年屬舒州天寶初復屬同安郡至德初屬盛唐郡乾元初復
屬舒州宋政和五年屬德慶軍紹興十年屬安慶軍元屬安慶
路明初屬江寧府尋屬安慶府清因之民國元年府廢而是縣
直屬於省地方百餘里山清水秀致足賞愛其尤勝者曰大龍
山往者先大夫督學安徽余雖侍側曾未一遊嘗以爲憾其後
余轉官吉林相去遼遠且係官於朝不得來遊爲憾滋甚民國
二年被

懷寧縣志 卷首序

命爲安慶道尹私喜得償所願以簿書填委又不暇一遊然登
城遠眺則顯然在余目前岩巉巉巉堪噓隱倚下瞰大江潰漫
波瀾潏潏瀆瀆其奇絕如是則淑靈和清之氣必旁魄而鬱積
於此意必有碩儒義士生其間不見於今亦必已生於古今年
某月閱朱君之英所續修是縣之志其載碩儒義士甚多乃掩
卷輟然而笑曰余向之揣測果不謬矣未幾朱君來謁余爲序
余以爲縣志有關於世人皆知之固不足序獨序其山川之勝
以答朱君之請焉

中華民國五年四月一日安慶道尹徐鼎康撰

序

懷寧山邑也元以後始改今治背山面江襟帶吳楚屹然爲東
南一重鎮蓋六七百年於茲矣然懷邑附郡城故郡有志而邑
舊無志有之自襄城賈壯令懷寧始賈君前清順治間人迄康
熙道光同治三朝志皆時有修纂獨同治間纂輯未歲事亦閱
歲紀代有變遷國步既更叢殘易失不有作者其於風俗之推
移政教之因革復何以嗣往績而詔來茲乎朱君叔琴長是邑
且一載餘矣間從政暇與邦人君子勤相討論掇故拾遺以修
舊乘凡十閱月而書告成大綱十有四子目六十有四其紀述
一宗道光書爲主體而參以同治志之可採擇者斟酌損益又

懷寧縣志 卷首序

加詳焉余觀道光本重典瞻同治重博大而尤善夫同治本所
謂在國史則必紀其禮樂政教制作之本原而在方州志則亦
著其禮樂政教率由之明效經正民興斯無邪慝以爲作者
實與有責美哉言乎此可不深長思歟余以州縣官河洛間
見夫人物樸厚風化淳茂慨然想見三代之直唐俗勤儉之遺
及來此邦而知院猶古邑其勤學勵俗未嘗廢墜茲編所志將
以繼述憲章維持世教俾後之考風者藉鑑有資非徒一時之
網羅掌故已也邑多賢者儻亦隲余斯言耶
歲在柔兆執徐孟陬月武進鄭鴻瑞序

序

中華民國四年十二月懷寧續纂縣志主任舒君景衡屬之英序其首並告曰此書自清道光五年纂輯後同治間一爲重修是時任分纂者爲邑人馬鍾山徵慶京卿先族兄調笙卓元明府任郵案者爲王子誠志行徵君事未竣未獲刊行後書存馬京卿處修訂纂輯越十餘年考古證今徵求允當成書十已八九京卿臨終時屬其弟潤山定業茂才將已成各稿檢一分付景衡并傳遺命曰是有望於子也倉皇受命無任主臣以蚊負山時虞失墜光緒辛丑謀於陳堯齋際唐方伯承籌款繕清稿屬洪朗齋思亮陳潤甫同禮兩太史續輯未能舉事乙巳陳

懷寧縣志 卷首序

方伯復屬景衡竟是役亦未克行上年我公來首以是書應續纂爲士民告疊召七鄉士紳集議僉謂宜速重修況當國步更移典章應有因革尤爲繼往開來之盛業爰約同人籌捐從事方伯陳公復首集巨款於本年三月開局採訪七月編書十二月編竣四十餘年未竟之業十閱月成之不惟足副我公殷殷屬望之誠亦藉以釋景衡二十載鄉先生付託之重何幸如之之英聞不禁喟然曰有是哉天下事殫精竭智謀之數十年而不能成者一旦興廢繼絕不閱歲而告歲焉此其間殆有莫之爲而爲者歟公餘之下披誦再三竊見崇實黜華敦禮守信爲此邦固有之本性蓋由山川蘊蓄之深厚先德教澤之宏遠故

懷寧縣志 卷首序

發見於其間者類能昌大世運蔚爲國華其間所書沿革不矜附會序山川務尋脈絡誌分野不載凌犯述人物必稱名實在志林中尤爲傑出此番續纂諸君子抱述而不作之旨折中於道光同治兩志之間採補廢續斟酌損益詳見凡例誠亦具苦心矣之英上年奉長官檄承乏是邦值百廢之未興更瘡痍之滿目匡置撫翼在在爲難幸年數順成稍寬咎戾今得與邦之賢士大夫朝夕攷訂別僞辨訛親見刷印告成并諸賢士大夫書名卷首果何修而得此也然竊有爲懷寧士民告者方今天下困紛擾久矣懷寧居長江要衝城爲省會五方雜處良莠不齊戊申己酉辛亥壬子四經變亂精英潰竭城鄉自好類多潔身遠引置理亂於不聞以至士習漸近囂漓民俗亦驅浮靡一二救世情殷之彥欲一振艱難凋敝每慨展布無從而歎世盜名營私罔利者遂不免雜出其間爲世垢病之英撫字無能激揚有願尙冀我賢士大夫提倡於上廣爲振興學校以培養本根相與敦崇節儉以珍惜物力在野者風行於下力稼穡以開衣食之源惇孝弟以重人倫之本尤各本范文正匹夫有責之心爲大地謀休養生息匡之英所不逮曷之英以未能是尤之英寤寐以求馨香以祝者也行見戶敦禮讓風復義皇後之續是篇者秉筆直書垂爲世範寧獨此邦一時之慶亦鄉先生千秋光也卽書之質舒主任暨分纂諸君其以之英爲知言否也

乙卯仲冬江寧朱之英撰

序

壬子孟夏余解組綬還自北庭南望鄉邑惘惘然靡稅駕之所乃結廬沽上杜門韶景謝絕塵事久之客有自南中來者爲言吾鄉兵氣漸消治具飭理則爲之色然以喜越二歲又聞吾邑將修輯縣志而符君怡笙果馳書來告屬余總纂志役謂出於邑人公意余固遜謝且曰某嘗有志於是曩在籍聞先輩馬鍾山先生著稿盈篋卒未成書私願奔走醴資廣續其業而塵俗牽累未遑將事日月如馳忽忽十餘年矣今耄而廢學烏足語於文字之職惟是初志所在不可以昧余寧既其實而辭其名苟有餉益於吾黨者敢不竭誠贊助以從二三君子之後而以际無忘桑梓之義怡笙報書曰可緣是郵簡往還頗有商榷丙辰初春編輯既竣怡笙復以書來請得一言以弁其首嗚呼余之思鄉久矣一爲展覽是編歷歷焉接余心目者吾祖宗之邱墓無恙也田園廬舍未改也吾童時登臨之山枿然而高釣游之水悠然而深景物依然未有異也歸與歸與吾豈無意於斯與然而參之地形驗之人事若有所倣於余衷而尼之使不得遽歸者周人之詩曰民亦勞止汽可小休吾邑之民勞矣而小休無時吾用滋慙而於茲編之成安得不益感愴於心而悁悁不能已也

歲在游兆執徐建寅之月邑人陳際唐序

舊序

蓋古列國之有史卽今郡邑之志也其一國政治及他國赴告策書皆直載於簡以遺後人然代久亦多闕略考正甫抱商頌十二篇於周太師至刪詩止存其五距定哀指隱桓不無見聞傳聞異辭諸如夏五郭公多存疑耳矧輓近世變屢更而皖地又屢中軍烽故籍銷沈壯甚慨之故不揣鄙陋而亟欲爲懷寧志也懷舊無志統於郡志今雖修實規古稱史有三難必才學識兼備而後可作而懷志亦有三難自晉迄宋濶統於懷自元以後濶分於懷述古不採濶多掛漏全採又屬擴撫其難在孤行他邑各自爲區懷獨附郡郡城卽懷城安危一體其難在合

懷寧縣志 卷首 舊序

亂懷夙多文獻兵燹以來巨室邱墟家乘失傳儒宿荒訓其難在延訪壯爲網其放失詢諸故老考稽百年約其條目凡山川城郭功業文藻忠臣節婦財賦盈縮風俗淳澆悉詳載之文務簡核罔敢泛濫事務確實罔敢溢美至若褒貶勸懲尙竢良史筆削而檢閱苦心或可備董倚之一助云郡舊志成於天水胡公公具遷因才距今又三世矣其中變革益繁大裒集成帙續貂之謂知不免焉順治辛卯襄城賈壯序

今上御極之十有一年詔京省進呈通志彙集一統全書洵煌煌乎巨典也哉聖天子良法美意將以總方略一統類廣教化美風俗也顧京省之志載於郡志而郡志載於邑志是邑志者

國史之權輿也鼎臣承乏懷邑謬膺茲典僉荒固陋實揣不克荷幸舊志成於前令襄城賈壯余得畫一其法而無虞於大戾然壯之成書在順治辛卯去兵燹未幾猶草昧初開之候其書多放失而未詳況乎閭閻之登耗風俗之淳漓人物之盛衰政教之得失皆與時爲推移非若山川疆域之一成不變者也然則二十餘年之後尙可因仍踵襲而弗事稽討已乎鼎臣雖鞅掌簿書勉事筆墨日集二三儒流相與揚推舊聞諮諏近事編摩屢月克奏成書身雖無狀奉官治慙上理而前言往往行仰止怡心吏治民風書紳警目豈惟仰奉憲章亦賴是以自箴其瘼曠耳下體菲葑用備採擇至銀根亥豕之謬貽譏博雅惟諸

懷寧縣志 卷首 舊序

上臺裁成而扶進之庶幾瓦缶之鳴附鐘呂而奏盛世之元音也已康熙癸丑遼東段鼎成序

皖轄六邑懷其附郭也枕三吳而控全楚背淮泗而吮豫章江聲山色郡與邑同之而未雨之綢繆軍興之供億戴星出入不遑暇食守與令亦大略同之幸邇歲多方蕩平海內清晏皖亦稍罷征調而縉紳東西行轡軒南北過地主人之禮復僕僕不容廢爲斯守若令者期會奔走而外重以簿書何復餘閒索筆墨爲古文辭然亦有不忍以不敏謝者則以國家龍興鼎定文治聿彰郡縣志凡三修矣茲復以將志一統檄郡縣重修雖其所增加於舊無幾然比櫛搜剔守若令敢不盡心焉乙丑夏懷

寧崔君新志成屬余覽焉蓋以其附郭故而山川風土人物事蹟大略與郡志同尤愛其詳而不蘄質而不僞爲稱善者再崔君因乞予序予何言哉夫封疆經緯則皆有圖古今沿革則皆有誌鄉賢名宦則皆有傳僊踪釋子亦附緒餘序記歌行概爲編緝予何辭之容贅亦惟以供職之維艱與保民之不易爲賢者告之今設相與披按圖籍我疆我理如錯如繡其何以豐阜與夫風俗返淳遵何道宿弊之盡剔用何術此皆有文字之可尋與義理之可按若夫憑墟弔古以挹風流染翰揮毫以示文采微論不能亦非所急予無善績僅以能言願與爾令相率勉之以祈稱上德意是則郡守之序言云爾康熙乙丑山西解州

懷寧縣志

卷首 舊序

三

安邑劉樞撰

今天下大一統矣東南一尉西北一侯無論鴟張豕突之區化爲麟遊鳳舞之域卽普天率土莫不斂衽傾心懷正朔而奉冠裳蓋駸駸乎旅獒越雉之盛焉我皇上撫有金甌職方罔外爰詔天下省郡邑咸以輿圖獻非誇疆索也欲以覽山川悉風土觀民物於展玩間寓古聖王巡方覲后之意綦重典也安慶爲古皖伯封而懷首邑也上接荆襄下據吳會非屹然一保障哉其地三面襟帶江湖而大龍百子蔚然相望中多隱君子焉地沃而俗儉民淳而士雅孝子悌弟貞婦順孫踵相接而肩相望也江左號稱易治而懷其尤也予久淹蓬戶穩聞江南都邑之

懷寧縣志

卷首 舊序

四

盛於客歲承乏茲土與懷士民相見時驅車適野省其室廬且觀其學校與鵬紳先生相考道問業不禁心焉異之至案牘稍清從容退食之餘檢邑乘讀之殆與前所見者實彷彿云其言風俗所謂力田忠厚者不啻與農夫牧豎相接於野也其言人物所謂磊落英多者不啻與學士大夫相揖於廷也其言形勢地產所謂堞堦高而塹深魚肥而穀饒者不啻履其地入其肆觀於目而樂於心也猗歟休哉非涵濡於聖澤之深休養於諸憲司之久烏克有此一日者天子輟萬幾披乙夜進九州之版圖而親覽焉見有雄關百二其俗勁以悍非秦中乎河山表裏其風憂以思者非三晉乎敦詩說禮弦誦不衰者則齊魯之邦也

虎踞龍蟠方城漢水者則吳楚之域也其他如越如閩如滇如粵如巴蜀如黔中無不隨其方而異其俗同其化而殊其風而於其間忽有彈丸之地爲國家之重鎮寄焉爲古今之人材聚焉則皖之懷邑也雖最爾區區甸堯壤初無同異然而宣城俗美亦以南國之一隅瞻光華之四被也天子顧之喜可知已予蒞任之初適邑乘續修將竣竊幸得觀其成因不揣荒陋而爲之序襄陵張君弼撰

志者古史之遺也郡邑之志古列國之史之遺也安慶首楚尾吳爲江南大都會統屬六邑邑首懷括六邑之志以成郡志蓋載懷事居多焉其間山川風土之紀忠孝節烈之事名儒耆碩

之人吏茲土者後先編緝而存諸志既班班矣歲在乙丑予以防政來官而我堂臺刺史劉公纂修蚤竣予受而披覽之而古舒六邑地臥遊而得焉及其後各憲臺鉅公大人修廢舉墜多所營建而良法美政創所未有類皆有造於學校民生有裨於地方風俗一二年間釐然大備而志乘先此告成缺未及載未免遺憾耳夫以千秋不朽之事而必俟之十餘年後修志之人保無湮沒是懼乎無何皖郡紳衿呈請增輯實獲我心矣乃爲詳允於藩憲而郡志於是乎成若懷邑志則郎官事也予何役役爲蓋自客歲懷令崔子遷任予曾兼此百里事公餘片晷中搜攬史冊而殘編剩牘冷置篆胥架上問其故版零落無復存

者爲愀然久之嗣令張子來洩此邑方缺掌簿書人物風紀多所未諳語云造浮圖者必合其尖予不能辭此事矣爰搆舊本增訂成帙遂捐俸梓之而前所缺未及載者今且炳炳燁燁予竊用自慰焉抑尤有說自董孤南史之不作而史幾難言之是役也一筆一削予未嘗以已見直書類皆揚厲盛德推崇至治之事一二操觚子循循如游夏焉亦欲使後之吏茲土者知所觀感也若夫過此以往留藍藥於來茲筆削之權又在繼起之君子云康熙丙寅奉天海城裴國熙序

國家之有一統志固廣大悉備矣而必以郡邑爲權輿則郡邑之有志其亦禹貢辨土周官職方之遺意乎顧疆圉沿革古今

都有修廢舉墜居官者之責琴瑟不調取而更易之非以文藻相矜新也懷邑雄據上游且爲大府駐節地風土人物之盛甲於江南甲申冬余來令茲土念舉家世沐聖恩高天厚地報稱無自且家大人筮仕中外數十年飲冰茹蘗久爲海內共鑒予卽竭力承志日夜冰兢猶恐不能仰報國恩於萬一用是蒞任之始指天誓日刻苦自持儉以助廉勤以補拙務以潔己愛民自勵舉凡興利除弊抑強扶弱編審平糶勸農課士諸大政皆矢公矢慎不畏強禦不避嫌怨六年於茲心力俱瘁幸得次第就理豪強不致梗化癘癘俱有起色且歲值豐稔野有蓋藏士勵廉隅家敦茲誦懷邑之民固已欣欣向化更逢葉大中丞榮

膺特簡保釐南服加意撫綏十郡赤子無不共躋春臺而懷邑士民尤爲向易花木受恩最先孤衷勞吏得以宣德達情承流布化四境之內盡雍雍然有太和景象今復蒙加意文學振興書院拔士之茂才延師課之稟既膏火區畫備至多士鼓舞蔚起文教之盛固白鹿鷺湖所未有也且城郭完葺金湯鞏固舊觀名勝煥然興復懷邑雖舊景物一新矣近又開濬河道俾行舟往來無長江波浪之險而懷民因之得以通有無資蓄洩皖邦萬世之利莫大於此不有紀載何以示後大中丞博極羣書留心典籍固深以缺略爲憾而予職任茲土又何可以不文辭乎爰卽舊志所載殫心校讐兢兢乎不敢苟卽藝文一志亦必

取其裨於地方關於風化者登載之不敢濫也至前志載筆允當悉仍其舊不敢掩爲己功他如傳聞異辭或耳目不及周之處姑從其闕以俟後之採風者備錄焉噫自有懷以來官斯土者未易更僕數矣然披閱之下後之人猶得指而目之曰某也若何某也若何余於懷誠不知無負與否顧念孤衷勞吏期爾皖人士相與回心而嚮道亦幸爾皖人士諒余六載之苦衷蒸蒸然風俗日卽於古而余亦藉是以告無罪也繼自今懷之父老子弟秀者服詩書樸者安畎畝匪彝不作逸志不生爲此邦山水增色是所望於將來之賢令長暨生斯土者之賢紳士精白乃心維持教化善自愛以爲斯民表率此則葉大中丞命余

懷寧縣志

卷首 舊序

七

修志之深心亦卽余始終諄諄告誡懷人之至意而非徒僅爲纂輯故事已也是爲序康熙庚寅遂甯張懋誠撰

古者列國皆有史史所紀錄謂之志周官小史掌邦國之志外史掌四方之志蓋卽後世郡縣志所由昉矣取郡縣志而薈萃之則有省志取省志而薈萃之則有一統志是郡縣志之修尤宜先也然非敦崇實際自別於流俗者每視爲不急之務而不肯修非貫串古今有史氏之三長者卽修焉亦不能犁然而有當安徽於直省隸江南道光元年冬余以簡命來洊此邦小行人適四方以五物各爲一書每國辨異之以反命於王以周知天下之故使者事也往時江南通志合上下江以成書紀載或

不能盡具非有專志無以綜此邦文獻之大全余乃檄各牧令先修郡縣志將彙而集之而懷寧爲附省首邑諸所應載之事視他縣尤多王君毓芳以簿書之暇與邑之紳士從事焉其距舊志之修已百有餘載時代遼闊斯民長老多就湮沒取證尤難王君網羅墮簡摺拾舊聞甫將成書迫於引見之限匆匆入都趙君梅繼之始獲蒞事其書囊貫古今粲然具備成一邑之典則用心可謂勤矣又所糾正舊志數十條可以知人可以論世以是爲省志抵本而冠八郡五十餘州縣之首卽孰不先睹爲快哉獨惜省志之修余方奏聞報可而適有江蘇之調未得躬竟其事喜懷寧志之先成於省志爲有基也爰書以弁之道

懷寧縣志

卷首 舊序

八

光五年歲次乙酉季冬月望日兵部侍郎巡撫江蘇等處地方前安徽巡撫兼提督安徽布政使福建山西按察使四川川東兵備道吏科掌印給事中掌陝西道監察御史翰林院編修充國史館纂修楚南陶澍撰

今上御極之元年毓芳始自欽調懷寧令又三年來洊治所至之日當大浸後賑事甫畢哀鴻嗷嗷勞來安集之不瞻其於邑之舊聞墜簡遺俗流風一切未暇及也中丞長沙公謝元氣矚陽和歲以大稔乃檄所屬郡縣各修方志將薈萃爲安徽通志所以嘉惠邦人潤色鴻業而傳之無窮者其意甚偉維懷於省爲首邑附郭諸宜紀載之事視他邑爲最先余既承乏茲土其

何敢以不文謝謹案懷邑志順治辛卯賈侯草創於前康熙癸丑段侯廣續於後丙寅崔侯又續焉庚寅張侯三續焉六十年中操觚四易何其勤也自康熙丙寅以來又百餘年矣山川清淑之發洩文章忠孝之流傳與時遞積曾無有爲之網羅放失勒成一書又何闕也夫史莫難於志昔人蓋嘗論之不知爾雅職方九州之判不可與言地理不知禹貢厥貢錫貢之辨不可與言食貨不知孔子先進野人之從不可與言風俗不知司馬遷老莊申韓同傳不可與言人物國史然邑志何獨不然余嘗取歷代諸志考其得失以一邑之人紀一邑之事耳目近則是非宜公是非公則去取宜當然往往有共聞而衆見者或牴牾

不合焉豈古之良史竟不可望於後世抑後世志多出於官修苟務成編而已載筆者有不能盡其才乎夫志家通患於古患疏而於今患徇疏則道聽而塗說徇則令色而巧言余雖不敢自附於知史法竊於此盡心焉邑之諸君子實有同志相與考獻徵文類族辨物不以游談誣古人不以假借欺後世惟其謹也書既成文省而事增述半而作倍於以備一邑之掌故而爲省志之權輿開卷之益將在於是其有不逮更侯有道就而正焉道光五年八月齊東王毓芳序

凡例

懷寧爲安慶首邑城附郭舊志在明統於郡自清順治辛卯知縣襄城賈壯胤輯始有專書康熙癸丑丙寅庚寅三次續纂道光乙酉重修同治朝復纂輯書未刊行道光本典雅精贍同治本體例祖述龍門尤見博大惟時勢各有不同自取舍因之各異今卽道光書爲主本同治志較允雅者從同治本編輯次序小有遷移參於兩者之間耳

里沿革全書之根本也道光志例云一有舛誤人地皆非誠爲篤論此卷道光志採取精確同治志復加搜輯尤見詳明今從同治本附以新測縣境圖及城廂附近圖俾資觀覽並道光

志舊縣境圖及各鄉分圖城郭街衢圖以存其朔亦以便考古者稽焉

山川形勢星野里之地理也道光志書山川務循脈絡言形勢只徵往籍記星野不載凌犯爲同治志叙例所最推崇稍加訂正不另改作今仍之

里既明營建斯起舉凡鄉區內之街衢鄉鎮道里津梁以及城池名勝公署公局會館冢墓義塚皆營建事也今俱本道光志及同治增修並新改新置者鱗次書之名勝加以十二景影片以便未歷其境者得領略焉

溝洫爲地利一大見端引汲疏鑿動關重要近百年來地利日

關圩坂因以日增衣食貢賦胥於是賴同治志此卷未成今從道光志加以後建置者廣濟圩直達桐城境爲懷寧圩之巨者附以全圖

物產爲民生日用之需懷寧山多地瘠所出無幾道光志倣桂海虞衡志不嫌挂漏同治志採錄及於草根木實蓋以水旱螟蝻之災國家代有特廣其途以爲無患之備用意美厚惟五穀六穀之說往籍可徵雖儒家農家醫家以及百家之說多不相同各有專書不難探索今仍從道光志而補所未備

田賦土貢征權戶口職役物產在國史俱括於食貨一門道光志於物產外別出賦役一書同治志改物產二字爲食貨亦別

懷寧縣志

卷首 凡例

二

出賦役一書蓋取足民爲足國之本意也今本同治志增書新例於篇

富繼以教古訓有徵學校一書道光同治兩志均次賦役後遵是意也惟道光志於孔廟僅書修建制度御頒書籍條教及學額學田等項同治志則並詳及兩廡從祀之位二丁祭享之典今國制變更前代典章有因有革從同治志刪去御頒書籍條教並兩廡二丁祭典以書籍久已無存條教幾不勝載兩廡賢儒位次行誼二丁禮制樂譜各有通行書籍可查也至書院義學考棚皆昔年所以教士光緒季年興學堂罷科舉遂漸停廢不書一二來者無徵不足以永教澤也民國改元學風復變學

堂名目興廢尤多書其現辦及舊有而今廢者不無升降之感焉

禮有五經莫重於祭所以報有功尊有德也民國建立現訂有祀天祀孔祀關岳及前代勳臣祠忠義祠典禮餘尚未及仍本道光祠祭志備書之後建各祠宇以例增入附以寺觀教堂存其概也典麗肅皇俟諸異日

風俗有正變治術即於此規焉道光志風俗一門詳載懷寧風俗之厚首戒華靡諄諄垂誡其期望於來葉深矣同治志改爲禮俗書援引經史及清代典章并附已見博雅無倫惟時移世易所尚不同今仍從道光志

懷寧縣志

卷首 凡例

三

文藝爲人材之表見亦風俗禮教之大驗也道光志以撰著人時代爲先後其書不復類次同治志則上法班史藝文志兼採清四庫書目例經史子集各以類從今本同治志續之

有文德必有武功兵衛尙矣道光志兵衛兵事在城池志內取捍衛城池意也同治志別立兵衛一門並言在國史及通志則兵衛重於藝文故史志皆殿藝文而在府州縣志則藝文實重於兵衛不無見焉今從同治志去平定粵寇本末一卷以關於懷寧縣事已見兵事篇也

職官道光志作直表以時代爲次後附職官傳同治志改爲橫表前冠以歷代州郡官制沿革表列於羣表之內將職官傳改

書名宦傳列於列傳之首今職官表從同治志去歷代州郡官制沿革表四卷以其書非一州一邑所獨有也仍從道光志例冠於名宦傳前以便省覽

由置里而營建而政典而職官一一備書矣然山川之厚風俗之美典章之明備非當地篤生人物無以發其光也歷代官人不外選舉膺選舉者尤地方之傑出人物如科名如特賜如制科如學校如行伍如薦辟如恩蔭如仕籍或助名在一時或馳譽在百世要皆足為鄉里後生所景仰也道光志為直表同治志改橫表前仍冠以歷代選舉沿革表今依同治志表去沿革表置於名宦傳後人物各傳前補續成書

懷寧縣志 卷首 凡例

四

道光志選舉表內附有封典一門蓋取賾封先代國家廣孝作忠意也同治志仍其例然自同治辦理善後以來捐例繁興後更一再減成報効無多即膺綸綍幾至無人不知有官無家不有封典名器濫邀轉不足以昭典重今以不勝其載一律除之道光志自忠義後如宦業儒林文苑篤行隱逸方技列女流寓釋道各自為類同治志改宦業二字為仕業改方技為道藝附術藝改釋道歸雜記下其餘篇目一律仍舊今仍之惟釋道從道光志另為一卷

生不立傳俟定論也惟列女傳內節婦一門年例已符各志通例得以備書例緣義起意在慰孤孀昭激勸也道光志間有年

例未符者亦列入申明信其可以完節有失矜嚴之旨今必夫歿婦年在三十以前守節逾五十歲者始採輯以昭核實至各節婦事實不外孝養翁姑撫孤撫姪撫孫延祀諸大端惟應載節婦人數逾一萬數千若一人一傳不獨文字大半從同亦且書不勝書今僅載夫故年歲及守節年限其有特別事實者酌存數字以省篇幅道光志并採及寄籍婦女然既屬有籍可歸自有表揚之地概不錄及

祥異道光志附星野後同治志次於政典之末安徽通志歸雜類今本通志例按年次續書附各傳後雜記之前

以上分別採續計分置里營建溝洫物產賦役學校祠祭風俗

懷寧縣志 卷首 凡例

五

文藝兵衛職官選舉人物祥異十四大綱子目六十有四其與大綱子目不合亦足留示將來備考鑒者道光志有雜記一卷同治志此卷未成亦標其目今續補以終篇

懷寧寧字康熙以前志作寧字道光志作寧字縣印作甯字邑人吳傳綺釋文偶義曰說文寧安也从一从皿上會意段朱二氏皆謂人之飲食器所以安人禮記禮運曰飲食男女人之大欲存焉故寧从皿安从女也玉篇寧古文寧字寧韻會本作寧

寧說文本今相承此字以寧為之按寧不成字說文有甯字甯字也从宁聲甯與寧聲義迥異俗字之寧乃寧字省筆寧為經傳段借字亦非安寧本義清時避諱寫寧缺末筆恰合古

昔正字爲古文尙書萬邦咸寧衛包改正文李昉陳鄂改釋文皆謬寧者願詞也从宀寧聲今字多假寧爲寧寧行而寧廢此攷古者所由興歎也書寧失不經詩生民上帝不寧左隱十一傳無寧茲許公復奉其社稷襄二十九傳無寧夫人而爲用老臣論語無寧死於二三子之手乎皆寧字本義易乾萬國咸寧書洪範三曰康寧則借爲寧矣清時避諱俗又用甯字代之亦非可厚甯所願也从用寧省聲甯爲願寧爲詞說文之訓分別甚明然大徐已訓甯爲寧引俗言寧可如此爲甯可如此前漢郊祀歌及王莽傳亦用甯爲寧則甯字可假借爲寧也又甯爲衛邑名今河南修武縣又甯母地名在今山東魚臺縣東懷寧爲古舒州元安慶路

懷寧縣志

卷首 凡例

六

明改安慶府懷寧之寧訓安自當以寧爲正字以寧爲假借字下从丁甯雖地名未可以爲舒地也秦北郡魏置華州西今從魏改寧州亦非舒地康熙以前志用寧字

古今著述卓卓表示人間者類多成於一手若在志乘資於羣力爲多今屆分纂援道光志例計七人亦援道光志例每卷載各分纂姓名以專責任不掠美不避謗也

自來作志非時際變更之會所能從事亦惟時際變更之會不能不從事此書自道光成書後閱九十餘年距同治纂輯時亦四十餘載兵燹疊經典章失墜搜討探輯在在爲難道光舊志存本固屬無多同治之書亦僅抄錄未完本光緒辛丑乙巳兩

議重修均未集事再爲延緩散失堪虞現值艱難締造經費無多爰刻定期補綴成帙自民國四年三月開局採訪七月編書十二月編竟匆促印行藉存先澤亥豕魯魚舛譌乖謬修訂匡正責在將來

道光同治兩志編輯精意見各例言此次續編一循陳軌補苴罅漏時切兢兢幸閱者留意焉

懷寧縣志

卷首 凡例

七

道光志例言

記纂志纂前哲所譏舊志三十六卷分併多有不當今爲裁汰定作二十八卷事增文省不必以多爲富

建置沿革全志弁冕一有舛誤人地皆非懷寧之名始於晉舊治在今潯山而六朝潯縣乃今霍山最易混淆舊志於此等處殊未分曉今悉訂正

疆域道里津梁街衢鄉鎮本一串事舊志子目太多漫無頭緒今爲先經後緯由城及鄉周行曲徑纖悉不遺一邑地圖畢具於是

山川各有脈絡諸志多錯舉無序窮源究委尋討爲難今倣禹貢導山導水之例循序以求乃無凌雜之患亦間採佚聞綴於其下比於道元之注水經視他志特爲創體

分野每以二百五十里當天一度懷寧不及一度舊志於月入南斗及五緯犯斗者畢載不免於迂今皆不取但採本邑水旱及諸妖祥之事俾覽者得有所考一切占驗非所敢知

物產各舉其切於民用者體例略倣桂海虞衡志不嫌挂漏他志泛引蟲魚草木則爾雅毛詩已備雖多奚爲

風俗與時移易知其美當竝知其惡將以維持世教砥礪訂頑不徒侈伽藍之記也晚俗淳厚所不待言而習尚遷流亦不能無失略爲論列俾君子之欲化民成俗者考鏡有資

懷寧縣志 卷首 道光志例言 一

學校兩廡從祀之位及二丁祭享之典各有專書無煩觀縷惟歷代修建沿革良有司崇儒重道之意存焉必備書之以勸來者

職官沿革相爲表裏宋元以前舊志謬誤不可枚舉有辨各見本條之下國朝自雍正後府縣職名底冊殘闕無從查核僅就見聞所及錄之其陞調任署年月不能盡具但作直表以時代爲次眉目故自井然

士行婦德均關名教舊志人物一門細分子目而列女別出爲卷似用劉子政列女傳單行之例然高士列仙高僧等傳何嘗不單行乎今各爲標題不立人物總目於義較安

懷寧縣志 卷首 道光志例言 二

漢儒傳經統謂儒林宋史乃有道學之目論者非之今故從馬班之例其未能經學專門僅以文詞見者則倣范史別爲文苑傳要令名與實稱無溢美焉

太平之世民生壽考乞言執爵固王政所先然每逢慶典分粟帛者動以千計舊志耆壽一門徒費紙墨有乖史裁今但以曾與千叟宴及百歲及五世同堂者附見戶口餘概不收以省冗濫其有事實可紀者仍分載各門絳縣老人不徒以年重也

舊志自三十一卷至三十六卷皆是藝文不盡有關體要今倣漢志但載書目所載止邑人著述其他文之必不可闕者則繫於本事之下或間有刪潤擇言尤雅斷鳧續鶴皆不敢辭又詩

文除一二當事所作雖存亦錄外餘則近人所作概不收採以免標榜之嫌

諸門分併各以類從或舊無而今增或舊有而今削水利爲衣食之源河渠溝洫良史必詳不容缺略至於禮制會典所布天下同遵溪煩抄載其鄉曲冠昏喪祭得失則已具於風俗中矣一增一省義各有當弗以改作爲疑

金石之文考古所資而皖獨無莫古於嘉定修城題名碑其次則余忠宣所書大節堂扁額及城隍廟碑記今皆不可得見殊爲憾事若明以來碑版存者雖多而時代既近傑製亦稀不足供人鑒飫採其尤者分載各門不另立金石一目非闕漏也

考證之學不難於博而難於確皖非春秋時國皖伯非周大夫宿松爲漢尋陽縣地皆自今日始闢新論而諸葛恪棄城走沈約宋志誤分爲兩事王審琦救郭令圖脫脫宋史誤竝在一時亦皆訂正以爲讀史之資諸如此類離而析之本可成卷倣胡三省註通鑑各取考異載於本條之下俾閱者易於尋討焉

同治志序例

古者四方邦國之志何爲而作也患禮教之不達於天下政俗之出于歧旁而作也是故其旨或兼乎法戒而所紀不出于經常其政治之大端不過庶之富之教之衛之而已其在國史則必紀其禮樂政教制作之本原而在方州之志則亦著其禮樂政教率由之明效是故秉禮者吾得據禮以旌之其失焉者亦得據禮以治之禮者曷謂七經論孟禮之體也大清會典通禮政書律例之屬禮之用也聖聖相承研稽經典損益百代而作之臣民遐邇相與遵循而守之經正民興斯無邪慝此一道同風之盛軌而治安長久之至術也今爲方州之志者每略其同

而詳所獨不悅乎常而喜其怪以爲彼同焉者自有專書無煩翫縷不知七經論孟久有專書而猶必人置一編者以其便于誦習也况志之所載不知專書之謂何卽以春秋釋奠而言則定禮儀者一時頒樂章者一時頒樂器者一時頒樂譜舞譜又一時卽以會典而論其事例圖說寒士艱於購覽蓋有華世不獲一見者且自嘉慶間續修之後而從祀之增入與夫位次之東西上下至於同治戊辰議猶未已他如闕里志之類則亦闕乎故而不知其新矣夫亦存乎好學深思者之隨時積累焉爾專書之謂何哉如以專書而言國家久道化成何事不有專書然則志其可以已乎夫惟不悅其同是以日趨於異此文家之

別徑而文教之所以衰恭也況一邦之掌故在茲其習尚紛囂若此將使後之治人與夫治於人者何所考鏡以別其黑白是非哉向使天下之人皆厭其同而日趨於異則道術之分裂胡所底止天下之故尙可問哉然則何以挽之曰作志者與有責焉其可不知所謹懼漫然隨俗浮沈而已邪

前志名宿星聚文章爾雅德器深粹然書不成於一手故於志家積習雖極意湔除頗有未盡若其事增文省炳蔚可觀序山川務循脈絡略分野不載凌犯誌人物必稱名實錄藝文但存目錄此其所得也至於體例風旨之間以及考訂之失據詳略之失宜者亦不無可議焉

遷史百三十篇提其綱曰本紀曰表曰書曰世家曰列傳義類惟五五者之中各分子目故其體大物博有條不紊班氏而下亦皆綱目相維莫之或易後代郡縣之志尠達斯旨務更體例若石湖范氏吳郡志分三十九門不立綱領頗嫌蕪雜康氏武功志併省篇目至齊帝王於人物等后妃於列女又未免局促貽譏此皆衰然爲稱首而美備之難如此前志星野畺域城池山川列而爲四則提綱已多祥異合於星野兵衛兵事統於城池寺觀隸於祠祭則分目苦簡茲志分門三十有奇子目尤夥用特參稽史例討論文家義法都爲五體爲紀一爲表之類四書之類十有二而爲圖爲譜爲考包孕其中列傳之類十而以

記終焉庶幾綱舉目張條理明備雖有舊貫不敢以改作爲嫌

章氏學識曰史之有紀肇於呂氏遷史用以載述帝王言事冠冕百三十篇意在紹法春秋顧春秋有左氏公穀各家爲之傳

遷則一人之書更著書表列傳以爲之緯故加紀以本而明以

紀爲經耳班固不達其意併十志而題爲本志誤矣方州之志多惑於地理類書之

例不聞有所遵循是則振衣而不知挈領詳目而不能舉綱宜

其散漫無章而失國史要刪之義惟方志撰紀不得稱本所以

示尊嚴國史之義也今按遷固本紀雖法春秋而多載詔令亦

兼尙書之體方州之紀無所取於春秋書法惟恭紀皇言亦祖

尙書之意庶使戴高履厚之倫得緣隙以窺天而表書傳記諸

體如衆星之拱極焉耳

史記十表爲全書之綱領後史作表亦藉以統領繁雜使就肅

括也紀事之有年表尤作史之要領而志家不少概見亦闕典

也茲用竊取通志年譜之例作紀事年表方州郡縣之志畺域

沿革乃其綱領也前志畺域沿革立表當矣乃不命曰表而統

曰志今既改作亦正其名又前志有職官及職官傳二目相次

其職官一門非志非傳亦應從表歷爲體列於十二書之前史

記將相名臣年表漢書百官公卿表是其例矣或謂同屬職官

未便前後分置不知史漢諸表列書志之前列傳次書志之後

但取脈絡貫注不必拊尊相銜也今改職官爲表職官傳爲名

官傳各從其類其選舉一門亦易爲表體於義較安

作志與史不同史自班范以來斷代爲書而志中必詳究古今之美備其量理官制兵制選舉諸大端皆須綜核歷代典章端緒尤爲繁雜故非表不能朗若列眉矣

漢書百官公卿表上卷爲官制下卷爲人表互相經緯井井有條志家少所遵循似屬簡陋今特創爲州郡官制沿革表以冠職官因史例也且推其例於選舉作選舉沿革表以冠之非以博古飾觀亦古今得失之林治化興衰之本足資考鑑者也或謂一縣之志而徧舉方州官制無乃迂遠而不切於體要乎曰然亦以縣爲首善職官並載統部故也且茲志作於通志局

懷寧縣志 卷首 同治志序例 四

中因爲志家舉其凡於此或亦不可無一之作不敢以迂遠引嫌也兵衛書中並舉歷代州郡兵制意亦如此閱者諒之

詔舉賢良方正孝廉方正博學鴻詞諸科乃漢唐之制舉亦曰制科爲天子特詔不有常科所以待非常之士至從戎投効列名薦剡爲古者薦辟之遺規發軔非同一轍前志統諸科於薦辟於義未協今特釐增制科一目庶得其實

方州郡縣之史謂之志周禮小史掌邦國之志外史掌四方之志是其義也遷史禮樂律歷諸篇謂之書蓋小行人五物各爲一書之義索隱正義以爲五經六籍之總名者非也班撰漢史統名曰書故其律歷禮樂諸篇不得不易遷史八書而爲十志

司馬彪而下凡有天文地理諸篇者皆因之緣其全部謂之書

或謂之史故其分體可謂之志陳壽三國全書名志設今自作

地理諸篇決不復命爲志等八類皆謂之錄歐陽氏五代史

記司天職方謂之考者則以叔世瀆亂之制不足名書故也今

方州之志書名曰志而區分篇局又曰紀表志傳意法班氏而

不知其通矣又或知志爲統稱不復區分義類於沿革選舉人

物雜記一切謂之志無復史家體例抑又失之茲志於量理溝

洫以次十有二門命之曰書以避志之統名亦猶班書變書稱

志之義援經證史庶爲允協

遷史旁行邪上之體命篇曰表而又曰自殷以前諸侯不可得

懷寧縣志 卷首 同治志序例 五

而譜是表即譜矣故桓譚劉杳皆云太史公三代世表旁行邪

上并效周譜故鄭氏通志復易世表年表而爲世譜年譜然以

今考之表出於譜而必編年代以與事相經緯譜原於六經而

有編年代與不編年代之各異如詩譜及春秋論語世譜此其

編年代者也遷史曰余譜謀記黃帝以來皆有年數稽其歷譜

謀終五德之運又曰讀春秋歷譜謀索隱自古爲春秋學者有年歷譜謀之說故杜元凱

作春秋歷譜及公子譜故其所爲表曰世曰年曰月皆合歷譜爲一者也

至若史志所載周易有譜儀禮喪服有譜康成此則不編年歷

而爲譜者也唐張九齡有姓源譜李林甫有郡望氏族譜猶

譜此又延譜之名而並春秋學之遺而後世類記器物動植之類皆謂之今以編年代者謂之表無年歷之可編

非別行邪上之體矣